



**КАНОН  
ВСЕМ СВЯТЫМ  
В ЗЕМЛИ ВОЛОГОДЕЦЕЙ  
ПРОСИЯВШИМ**



**Вологда  
2004**

ВО СЛАВУ СВАТЫЯ, ЕДИНОВУШНЫЯ,  
ЖИВОТВОРЯЩАЯ И НЕПРЯДЪЛНИМАЯ  
ТРОИЦЫ, ОТЦА, И СЫНА, И СВАТАГО ДУХА  
ЖОЛНТЪЯЯИ ПРЪЧИСТАЯ КЛАДЫЧНИЦА  
НАШЕЯ БОГОРОДИЦА, И ВСЕХ СВАТЫХ  
И ВСЕЯКЪ БОЛОГОДСТЪИ ПРОСИЯВШИХ  
НАША И КЪАЩЕ СЕИ ВО ГРАДЪ БОЛОГДЪ  
И ЛЕТО 2004 ОТ РОЖДЕСТВА ГОСПОДА  
И СПАСИТЕЛЯ НАШЕГО  
ИСУСА ХРИСТА



СОБОР ВОЛОГОДСКИХ СВЯТЫХ

## Тропарь, глас 8:

Яко светѣльницы всесвѣтлии / явѣстєся в пределах  
града Вологды, / преподобнии отцы наша, Вологодстии  
чудотворцы, / вы бо крест Христов от юности своея на  
рамена взѣмше, / усердно Тому последовали естє, / чис-  
тотою Бѣгови приплѣжишася, / от Него же и чудес да-  
рованіем обогатѣстєся, / тем же и мы, с верою к вам  
притекающе, умѣльно глаголем: / отцы преподобнии,  
молите Христа Бѣга спастися душам нашим.

К 1350019

3

Вологодская областная  
универсальная  
научная библиотека  
им. П. В. Беляева

# Канон

## Песнь 1.\*

Ирмос: Воду прошэд, яко сушу, / и егупетскаго зла избежав, израильтянин вопияше: / Избáвителью и Богу нашему поим.

*Вси святии в земли Вологодстей  
просиявшие молитве Бога о нас.*

Радуйся, Герáсиме предивный, первый богопроповédниче, / радуйся, Галактиóне, житием преславный, / радуйтесь, Иоасáфе, Кассиáне, Тимофée, Пётре, Васíлие, защитницы града нашего, / радуйся, святителю Антóние пастырю добрый, / Вси чудотворцы Вологодстии, избавите нас ныне от бед и скорбей.

*Вси святии в земли Вологодстей  
просиявшие молитве Бога о нас.*

---

\* Канон приведен в соответствие с минеей за май месяц, часть 3-я (издание М.П. 1987 год) и дополнен тропарями канонов, взятыми из служб Вологодским святым (издание М.П. 1987г.).

Первопресѣльник в стране Вологодстей показался еси, / яко звезда всесветлая, богомудре Герасиме. / Благословение святых обители Киево-Печерския на землю нашу принѣсл еси, / силою благодати Духа враги безплотных низлагая, / труды и подвиги тяжкия Христа ради подъял еси / и чудес содѣтель, отче Герасиме, был еси.

*Вси святии в земли Вологодстей  
просиявшие молитве Бога о нас.*

Чудотворцы Христовы и молебницы о нас теплии, / возносите ко Господу глас ваш, / да возможем воспети жития вашего красная исправления.

*Слава Отцу и Сыну и Святому Духу.*

Ликуй Фиваидо Русская, / красуйтесь пустыни и дебри Олонѣцкия, Белозѣрския и Вологодския, / возрастившия святое и славное отец множество, / чудным житием всех наставляющее миру не

прилеплятися, / крест свой на рамена взяти и во след Христу шествовати.

*И ныне, и присно, и во веки веков, Аминь.*

Приклони ми ухо Твое, Чистая, / Православною верою в сени лица Твоего честно любовию Ти притекающему и страхом поклоняющуся, / молебный мой глас услыши.

### **Песнь 3.**

Ирмос: Небеснаго круга Верхотворче Господи, / и Церкви Зиждителю, / Ты мене утверди в любви Твоей, / желаний краю, верных утверждение, / Едине Человеколюбче.

*Вси святии в земли Вологодстей  
просиявшие молитве Бога о нас.*

Димитрие блаженне, прибежище наше и иноков оградо, / ты, яко солнце, просиял еси, в монашеских соборех, / ангельскою

красотою сиявый и Богомáтерь лице-  
зрэвый, научи и нас Богу служити и по-  
каяние Ему во гресех приносить.

*Вси святии в земли Вологодстей  
просиявшие молитве Бога о нас.*

Преблáженна бысть святая обитель  
твоя, Богомúдре Димúтрие, / имеючи  
внутри себе мóщи твоя и священное твое  
подóбие, / прехвáлен же и град твой, / иже  
тобою дарáми преумножен от всех Бога.

*Слава Отцу и Сыну и Святому Духу.*

Страдалец Божий, Игнатий, да похва-  
лится ныне, / от юности княжéние на тем-  
ницу сменивый / и в ней Бога обретый  
терпением вéлиим, / непрестанно моляся  
Божией Матери, всех скорбящих Радосте.  
*И ныне, и присно, и во веки веков, Аминь.*

Лéствица древле патриархова Тя пре-  
ображáше, Пренепорóчная, / ангельско бо  
являше снитие Божие к нам, / Божествен-  
ное сошествие во утробе Твоей.

## Ин кондак, глас 2:

Волнений множество невла́жно прохо-  
дяще, / безплотныя враги струями слез  
ваших крепко погрузи́ли естé, / Бого-  
мúдри и преподóбнии, / и, чудес дар  
прии́мше, / моли́те непрестанно о всех  
нас.

### Песнь 4.

Ирмо́с: Услышах, Господи, / смотре́ния  
Твоего таинство, / разумéх дела Твоя / и  
просла́вих Твое Божество́.

*Вси святии в земли Вологодстей  
просиявшие молитве Бога о нас.*

Кий язык изречёт болезни и труды  
твоя, богопроповéдниче Христо́в, свети-  
телю Стефа́не? / Тобо́ю бо святая вера во  
всех концах наших просвети́ся / и людие  
темнии свет Христо́в узрéша. / Сохраните  
всех нас молитвами вашими / святúтелие



Пермстии Герáсиме, Питиру́ме и Ио́но, /  
молися о нас и Игна́тие святителю все-  
хвальный.

*Вси святии в земли Вологодстей  
просиявшие молитве Бога о нас.*

Якоже солнце, сияет чудеса Прокóпий  
Устюжский, Христа ради юрóдивый, / град  
Устюг от ка́менно-гра́довая тучи спасый /  
и святое мýро от иконы Богома́тере исто-  
чýвый. / С ним же и друзíи блажénнии:  
Киприáн, Иоáнн с супругою своею Марíею  
молятся о душах наших. / Да похвалится и  
Иоáнн едúным словом болезни вра-  
чевáвый / и во огнú невредимо ходúвый.

*Слава Отцу и Сыну и Святому Духу.*

Яко утреннее солнце, взыде, память  
твоя, сýщия во мра́це сердца про-  
свещáющи: / ты бо света и дне явился еси  
воистину сын, Богомúдре Прокóпие. / Сего  
ради тя почитаем.

*И ныне, и присно, и во веки веков, Аминь.*

Радуйся, красная Палáто Сло́ва, дев-  
ственный чертоже Царя; / радуйся По-  
хвалó всех безплотных; / радуйся, челове-  
ков Пóмоще.

## Песнь 5.

Ирмо́с: Просвети нас повелéнии Твои-  
ми, Го́споди, / и мышцею Твоёю высокою /  
Твой мир подаждь нам, / Человеколюбче.

*Вси святии в земли Вологодстей  
просиявшие молитве Бога о нас.*

Хвала тебе, пéстуне отцев, учителю  
Дионíсие богоблажénне. / Глуши́цу, аки  
второй рай, содéлавый. / С ним же да  
восхвалятся и Амфило́хие спóстник, и  
преемницы Феодо́сий, Мака́рий, Тара́сий,  
/ молитвенницы наши тёплии.

*Вси святии в земли Вологодстей  
просиявшие молитве Бога о нас.*


Петр да будет сла́вен, / Лóнгин Коря́-  
жемский, целитель неду́жных, и спóстник  
его Сýмон Сóйгинский, / аввы пусты́нни и  
чудотворцы.

*Слава Отцу и Сыну и Святому Духу.*

Радуйтесь и веселитесь раби Христо-  
вы, / праведне Алекса́ндре и блаже́нне  
Нико́лае,\* / землю Вологодскую просве-  
ти́вшая светом богопозна́ния, / словом и  
житием Влады́це новы люди привéдшая, /  
обновлё́нныя банею креще́ния.

*И ныне, и присно, и во веки веков, Аминь.*

С Божéственным соше́дшеся Гав-  
ри́лом, возопи́м Богоро́дице верно: /  
раду́йся, Де́во Свята́я Благода́тная, Гос-  
по́дь с Тобо́ю, / иже Тебе ради, потреб́ив  
печаль, подаде́ ра́дование.



\* «С ними же и Анато́лие блаженный» - сие дополнение для почита-  
телей блаженного старца Анатолия Петровича Рыкова

## Песнь 6.

Ирмос: Молитву пролию ко Гóсподу / и  
Тому́ возвещу́ печали моя, / яко зол душа  
моя испóлнися / и живот мой аду при-  
блúжися, / и молюся, яко Ио́на: / от тли,  
Бо́же, возведи мя.

*Вси святии в земли Вологодстей  
просиявшие молитве Бога о нас.*

Яко орел высокопа́рый, парит над зем-  
лею Григóрий Пельшемский, / сосуд из-  
бра́нный благодати и милосердия пучи́на,  
/ всех люби́вый и всем о Христé слу-  
жу́вый.

*Вси святии в земли Вологодстей  
просиявшие молитве Бога о нас.*

Отцы преблаже́ннии: Сэ́ргий Ну́ром-  
ский, житием Радо́нежскому подобный, / и  
Сэ́ргий Мало́пúнежский, просвети́тель чу-  
ди языческа, хриstopодража́тельное ми-  
лование людем явльшии достойно, /

пéсньми да почтутся, с ними же Сéргий  
Шухтомский и Евфросín Синоезёрский.

*Слава Отцу и Сыну и Святому Духу.*

Преподобнии Богонóснии отцы наши: /  
Филíппе, Тíхоне, Пётре, Димíтрие,  
Иоáнне юрóдивии, / страстотерпцы Хри-  
сто́вы, / со прочими Вологóдскими и Бе-  
лоезёрскими чудотворцы: / Кири́ллом, Фе-  
рапо́нтом, Мартениáном, / Нíлом  
Сóрским, Игна́тием Лóмским, / молитесь о  
душах наших.

*И ныне, и присно, и во веки веков, Аминь.*

Радости нашаея Ходáтаица явилася  
еси, Дéво, / и благодати приносяще венец  
любóвию, / радуйся, вопием Ти, Благо-  
словéнная Чúстая, похваляюще.

## **Кондак, гл. 4:**

Светонóсный óблак свидетелей веры и  
благочестия, / осеняющ пределы страны

на́шея, / утвердил еси Христé Царю, на  
Тверди Цéркве Вологодския, / да,  
взира́юще на сконча́ние жительства их и  
венец славы неувяда́емый, / терпением  
течём на предлежа́ший нам подвиг спасе-  
ния.

## Песнь 7.

Ирмо́с: От Иудéи доше́дше, о́троцы / в  
Вавило́не иногда́ / верою Трóической  
пламень пéщный попра́ша, поюще: / отцев  
Бо́же, благословéн еси.

*Вси святии в земли Вологодстей  
просиявшие молитве Бога о нас.*

Великаго в чудесéх Павла Обно́рского  
воспоим, в дупле древа подвиза́вшагося, /  
ему́же, яко новому Ада́му, птицы и звери  
служи́аху / и пищу от него приéмляху.

*Вси святии в земли Вологодстей  
просиявшие молитве Бога о нас.*

Радуйся, отче отцев Корнѳліе пречѳдне, / вертеп разбойников во обитель спасенїа претворѳвый, / с ним же прославим и цветы пустыннїа, Иннокѳнтіа и Арсѳнїа, с преемниками Лаврѳнтіем и Касїаном, / молитесь о нас, преподобнїи.

*Слава Отцу и Сыну и Святому Духу.*

Пустыня, яже иногда бесѳм жилѳща имѳщи, ныне же учѳник твоих Кирѳлле, множеством наполняема, украшается, / храм в себе пречѳстен Матѳре Бѳжїа имѳши, / различными добротами удобрѳн, / в нем же и честный гроб твой, яко нѳкое драгоценное сокровище имѳще, / любезно ты молим всеблаженне отче: / Отечеству нашему на враги посѳбствуй молитвами твоими, / и душам нашим испроси мир и вѳлию милость.

*И ныне, и присно, и во веки веков, Аминь.*

Дѣвства Тя зеркало суще и приятели-  
ще чисто Божествá восхваляем, / Дѣво  
Неискусобра́чная, песньми.

## Песнь 8.

Ирмо́с: Царя Небѣснаго, / Егóже поют  
вои́ Ангельстии, / хвалíte и превозносите  
во вся веки.

*Вси святии в земли Вологодстей  
просиявшие молитѣ Бога о нас.*

Радуйся, красото смиренномúдрия,  
Стефане начальниче, / Богомáтерь со  
святителем Никола́ем видево́й и обитель  
соорудíво́й, / труженикам дивно́й по-  
мо́щниче и на вода́х спасительный защит-  
ниче.

*Вси святии в земли Вологодстей  
просиявшие молитѣ Бога о нас.*

Гроб твой, Алексáндре, лечебнице Бо-  
жѣственна́я, вся недуги исцеля́ющая, /



молися с праведными Иродионом,  
Василием, Иоанном, / Михаилом, Фомою и  
Прокопием Устьянским о душах наших.

*Вси святии в земли Вологодстей  
просиявшие молитве Бога о нас.*

Измлада Христа возлюбил еси, / все-  
блаженне Иоасафе явленне чудотворче, /  
и Пречистую Его Матерь, / ныне же про-  
свещаеши чудесы, яко молния всю все-  
ленную, / моли спасти души наша.

*Слава Отцу и Сыну и Святому Духу.*

Иже к Богу положив помысл непре-  
станно молити Его, Александре Бого-  
мудре, / о стаде твоем тебе на молитву  
призывающем, и плоды приносящем, /  
прилежно молися.

*И ныне, и присно, и во веки веков, Аминь.*

Кадильница явилася еси пророку, / Бо-  
жественнаго Угля сущи, грехи отъем-  
лящаго, / Богородице Дево, Мати Бога  
нашего.

## Песнь 9.

Ирмос: Воистину Богородицу, / Тя исповедуем, / спасения Тобою, Деве Чистая, / с безплотными лики Тя величающе.

*Вси святии в земли Вологодстей  
просиявшие молитве Бога о нас.*

Феодосие, источнике цельбоносных вод, / на соляных варницах ты мудрость духовную стяжал еси, / Андрей же и Максим, вечная Тотемская похвала, да похвалятся днесь.

*Вси святии в земли Вологодстей  
просиявшие молитве Бога о нас.*

Дивно житие и твое Иосифе Заонукеевская славо: / како слепец сый, чудесно восприял еси икону Богоматере и святых безсребренников Космы и Дамиана, / и, прозрев, обитель соградил еси, / и по преставлении чудеса многа соделал

еси. / Молися с наставники твоими Ан-  
то́нием и Иоанну́кием о душах наших.

*Вси святии в земли Вологодстей  
просиявшие молитве Бога о нас.*

Страстотерпцы Христовы Григóрие и  
Кассиáне Áвнежстии, / преподобнии Ав-  
ксéнтие и Ону́фрие Пёрцевстии, / Сýмоне  
Вóломский, Ону́фрие Кáтромский, /  
Ну́фонте Телéговский, Мáрко Белáвин-  
ский, / Кóприе и Авраáмие Пéченгстии, /  
Вассиáне Тúксненский, Агáпите Марку-  
шéвский, / Димúтрие Цилúбинский с Ки-  
рúллом пустынником, / Евфúмие и Хари-  
тóне Сянжемстии, / Леонúде Устье-  
дúмский, Пахóмие, Христофóре, / Фео́-  
доре, Филúппе, Зосúмо Ворбозóмский, /  
Анто́ние и Феодóсие Черепове́цкие. Вси  
именúтии и безъименúтии угодницы Воло-  
гóдстии, / в сей нарóчитый день праздника  
вашего услышите мольбы наша / и испро-

сите у Христá Бога душам нашим мир и велию милость.

*Слава Отцу и Сыну и Святому Духу.*

Придите вси вернии, / сущия во стране Вологóдстей святыя восхва́лим: / препода́бныя и иерáрхи, священномученики и новомученики всеслáвнии, / Христá ради юрóдивыя и прáведныя, / явлéнии и неявлéнии угодницы Бóжи, / иже воистину дéлы и словесы́ / и всем житиём Богу уго́дша, / и от Него́ многоразлúчными даровáнии чудес обогатúшася, / и ныне молятся о душах наших.

*И ныне, и присно, и во веки веков, Аминь.*

Тебе во умилении души молимся вси: / не прэзри, Владычице, наша мольбы, / но буди благоувётлив нам покров / и молитву нашу услыши.

## Молитва всем Вологодским святым

О всеблаженнии и Богомудрии Угодницы, иже во временнем житии благочестне подвизавшиися и святыми своими телесы в пределах Вологодския страны почивающии! Величаем ваши духовныя подвиги, воины Христовы, терпением и мужеством своим врага до конца низложившии, и нас от прелести и козней его избавляющии. Ублажаем ваше святое житие, светильницы Божественнии, звезды светом веры и добродетели светящиеся и наши умы и сердца Богомудренне озаряющии. Прославляем ваши великие чудеса, кринове райстии в стране мраза прекрасне процветшии, и волею дарований и чудес повсюду благоухающии. Умоляем вашу Богоподражательную любовь, предстателие наши и покровителие, сохраните нас от всякого зла, и посетите нас в немощех наших благодатными дарованиями, имиже вас украсил и прославил есть Господь. – Благовернии князие! Испросите у великого Царя славы благоденственное житие православному воинству и православным людям нашим мир, тишину, да и мы проживем тихое и безмолвное житие, умерщвляя царствующий во плоти нашей грех, и написуя на скрижалех сердец наших закон царский. – Святителие Христовы! Молитвами вашими утвердите святую Православную Церковь и упасите стадо свое в вере и добродетели, яко да и мы недостойнии и оскверненнии прославим в житии своем Отца нашего небес-

наго. – Преподобнии отцы! В терпении и подвизех сами поживше, сохраните и нас от прелестей мира лукаваго, да отвергшеся себе и взявше крест последуем Христу, умерщвляя уды яже на земли, и распиная плоть свою со страстьми и похотьми. – Блаженнии Чудотворцы! Юродством небесной мудрости посрамите мудрость мира сего, возносящуюся на разум Божий и омрачающую спасительное буйство креста Христова, имже да сподобимся выну мудротвовати о Христе, горняя, а не земная помышляюще. – О всечестный соборе всеблаженных и Богосветлых Ангелов наших, иже честными телесы на земли с нами водворяетесь, святыми же душами вашими пребываете на небеси, и с лики безплотных поклоняетесь дивному во святых своих Богу, помяните нашу немощь и уничижение, и священными молитвами вашими испросите у Христа Бога нашего, яко да и мы, безбедне преплывше житейскую пучину, и невредимо соблюдше сокровище веры, в пристанище вечнаго спасения достигнем, и в блаженных обителех горняго отечества со всеми от века угодившими святыми водворимся, благодатию и человеколюбием Спасителя нашего и Господа Иисуса Христа, Ему же с Предвечным и Единосущным Отцем и с Пресвятым Духом подобает непрестанное славословие и поклонение от всех тварей в безконечныя веки. Аминь.

## Молитвенный покаянный вопль

Порою, в минуту души просветленья,  
Заглянем глубоко - глубоко в себя...  
И вырвется вопль из груди, как моленье,  
«Помилуй мя, Боже, помилуй меня!...»

И ленность, и немощь, и нету усердия...  
Вся жизнь в суете исчезает моя,  
Одна лишь надежда – Твое милосердие:  
«Помилуй мя, Боже, помилуй меня!...»

Разсеянье мысли, ума ослепленье,  
Забвенья о цели сего бытия,  
Какая-то хладность ко делу спасенья,  
«Помилуй мя, Боже, помилуй меня!...»

Как слабо, бесплодно бывает раскаянье;  
Лишь только пробьется живая струя;  
Как снова доводят грехи до отчаянья...  
«Помилуй мя, Боже, помилуй меня!...»

Помыслию ль о чаше души разлученья:  
Какая загробная участь моя?..  
Увы мне! Страшусь я суда и мученья –  
«Помилуй мя, Боже, помилуй меня!...»

«Ни тёпла, ни хладна»... и нет оправданья, –  
Заветы Спасителя ведаю я!  
О, вера, велики твои упованья!  
«Помилуй мя, Боже, помилуй меня!...»

Болезнует сердце, а дух разгорается...  
И с каждой святой благодати огня –  
Молитвенный вопль из груди вырывается:  
«О, Боже, помилуй, помилуй – меня!»

Православное братство преп. Нестора-летописца основано в г.Вологде, в год 2003 от Рождества Господа и Спасителя нашего Иисуса Христа, с целью сохранения доброй памяти о православных подвижниках земли Русской, в первую очередь о Вологодских подвижниках нашего времени. Братство ставит перед собой задачу знакомить людей с жизнью и подвигами подвижников благочестия нашего времени посредством печатных изданий. Братство преп. Нестора-летописца основано и действует по благословению священнослужителя Русской Православной Церкви.

Пожелания и предложения можете направлять:

по адресу: 160000, г.Вологда, а/я 133,  
Липину Александрю Павловичу

по электронной почте: nestor\_letopisec@mail.ru

Тираж 500 экз.